



Riektečoahkkima manjá

Dávjá riektečoahkkibeavvit leat lossadat ja váibadahttit. Lea buorre addit alces áiggi searaiduvvat beavvis ja háleštit vásáhusas geainna nu. Juos dárbbasat guldaleaddji, sáhtát ringet ovdamearkan Rihkusoaffargohcima Veahkeheadji telefodnai 116 006.

Rihkusoaffargohcima buot bálvalusat riku.fi/palvelut


RIKU BÁLVALA RIHKKOSA OAFFARIID, SIN LAGAMUČČAID JA RIHKUSÁŠŠI VIHTANIID NUVTTÁ OPPA RIIKKAS.

   /rikosuhripaivystys  @rikosuhr

Doaimma doarju:



Visitor- doaimma duopmostuolus-fidnu ruhtaduvvon:



Ovdal riektečoahkkima

Dábálaččat riektedállui galgá boahtit dorvodárkkistusa čađa. Riektedálus lea infobáiki, gos gávdnojit áigetávvalat ja sálenummirat riektečoahkkimiin, mat gieđahallojit beavvi áigge. Sáliid guoski dieđut gávdnojit maiddái sálevssaid guoras.

Riektegeavvan ovdána iežas vuogádaga mielde, don fertet ráhkkanit vuordit. Almmuhuvvon áigetávvalat leat sulaid árvoštallon. Juos it leat ožžon lobi mannat eret riektedálus, don galggat vuordit iežat vuoru vuordinlanjas.

Juos leat áššeoamasteaddji dahje vihtan ja don dovddat, ahte lea givssálaš vuordit vuostebelliin seammá lanjas, sáhtát dihtoštallat sierra vuordinlanja.

Riektegeavvama álgimis almmuhuvvo dábálaččat áššáskuhtton olbmo nama gulahemiin, man manjá buohkat riek-tečoahkkimii boahttit sirdásit sálii. Riektečoahkkinsáles ii oaččo vuolgit eret gaskan gieđahallama, dárbbu mielde sáhtát bivdit duopmáris bottu. Fuolat, ahte du telefodna lea jienaheapmen ovdal sálii mannama.

Sivaheadji bovden áššeoamasteaddjiide ja vihtaniidda stáhta sáhtá buhttet riektegeavvanbeavvis beaveruđa, hálbimus fievrru mielásaš mátkkiid sihke vejolaš dienasmassima. Riektedálu kansliijas sáhtát jearrat man láhkai buhtadusaid sáhtá bivdit ja mo dat máksojuvvojit. Stáhta máksin buhtadus riektegeavvamii boahtimis lea eará ášši go áššáskuhtton olbmos gáibiduvvon vahátbuhtadus.

Sáhtát álo jearrat rávvagiid bargoveagas.

ÁŠŠEOAMAS- TEADDJIN DAHJE VIHTANIN RIEVTTIS – praktihka rávvagat

RIHKUSOAFFARGOHCIMA RÁVVAGAT ● 3 (2017)



Riektečoahkkimis báikki alde

- Riektegeavvama ságajođiheadđji dahjege láchkaoahppavaš duopmár
- Čálii
- Lávdealbmát dahjege oahpohis duopmárat oassálastet riektečoahkkimii dihtolágan rihkkosiin. Muhtimin riektečoahkkimis lávdealbmáid sajis sáhttet leat mánga duopmára.
- Sivaheadđji
- Áššeomasteaddji dahjege rihkkosa oaffar
- Vástideaddji dahjege rihkkosis áššáskuhhton olmmoš
- Diggeveahkki dahjege ášševuodđji dahje eará láchkaalmmái
- Vihtan

Lassin riektečoahkkimis sáhttá leat fárus doarjjaolmmoš, tulka ja ovddugohcci. Áššeomasteaddjiin ja vihtaniin lea vejolašvuhta oažžut doarjjaolbmo riekteproseassa áigái ovdamearkan Rihkusoaffargohcima bokte. Ovddugohcci lea fárus dáhpáhusain, main áššeomasteaddji dahje áššáskuhhton olmmoš lea agivuloš, iige su fuolaheadđji sáhte gohčit su ovddu. Maiddái rávesolbmui sáhttá mearridit ovddugohcci.

Riektegeavvan lea dábálaččat almmolaš, nu ahte dan sáhttet boahtit olbmot čuovvut. Ášši gieđahallama giddejuvvon uvssain galgá bivdit sierra. Duopmostuollu mearrida gieđahallama almmolašvuodas ain dáhpáhusa mielde.

Muhtimin áššeomasteaddji dahje vihtan ii hálit deaivvadit áššáskuhhton olbmui. Gearretreikti sáhttá mearridit, ahte sálii ásahuvvo šearbma oaidninsuodjin dahje ahte áššáskuhhton olmmoš ii leat seammá lanjas gullama áigge.

SIVAHEADDJIS, ÁŠŠEOAMASTEADDJIS JA VÁSTIDEADDJIS GEAVAHUVVO OKTASAŠNAMAHUS ÁŠŠÁIOSOLAŠ.

Ieš riektečoahkin

Ságajođiheadđji sihkkarastá álggos, ahte riektegeavvamii bovdejuvvon olbmot leat buohkat báikki alde. Juos buot bovdejuvvon olbmot eai leat boahán báikki ala, sáhttá ášši muhtin dáhpáhusain liikká gieđahallat. Dávjá goittotge geavvá nu, ahte riektečoahkkima ferte sirdit nuppi beaivái ja buohkat galget boahtit ođđa riektegeavvamii. Riektečoahkkima sirdásettiin sivaheadđji nammadan áššeomasteaddjiin ja vihtaniin, geat leat boahán báikki ala, lea vuoigatvuhta goluidbuhtadussii.

Bovdejuvvon olbmuid mieldeorruma sihkkarastima maŋŋá vihtanat mannet olggos sáles vuordit iežaset vihtanuššanvuoru, man álgimis almmuhuvvo gulahemiin.

Gáibádusaid ovdanbuktin ja vástideapmi

Riektečoahkkima álggus sivaheadđji ja áššeomasteaddji ovdanbuktet iežaset gáibádusaid ja vuođustallet daid. Áššáskuhhton olmmoš vástida gáibádusaide almmuhemiin doallágo son gáibádusaid riektagin.

Muhtin diliin áššáskuhhton olbmui sáhttá bivdit mielladilledutkamuša, man bargamis mearrida duopmostuollu. Riektegeavvan gaskkalduhtto dutkamuša áigái. Ášši gieđahallan jotkojuvvo muhtin mánotbaji geažes. Dutkamuša dárkkuhussan lea čielggadit, leago dahkki ádden daguid čuovvumušaid, dahjege leamašango son ollásit dahje muhtumassii vástitmeahtun iežas daguin rihkkosa dáhpáhuvadetiin. Iežas daguin vástitmeahtun dahkki ii sáhte dubmet.

Ášši ovdanbuktin

Áššáiosolaččat mitalit iežaset oainnu áššis ja dáhpáhusaid ovdáneamis. Sii mitalit maiddái, maid čálalaš duođastusaide sii doarjalit ja maid sii geahččalit čájehit daidguin duohtan sihke geaid olbmuid sii háliidit gullat ja manin.

Áššiid ovdanbuktinortnet lea buot gieđahallama muttuin seammá: sivaheadđji, áššeomasteaddji ja áššáskuhhton olmmoš.

Vihtanuššan

Vihtanuššamis gevvojit čađa čálalaš duođastusat ja vejolaš vihtaniid gullan. Áššeomasteaddjis ja áššáskuhhton olbmos lea vuoigatvuhta ovdanbuktit jearaldagaid nuppiideaset ja vihtaniidda. Juos oassebeliin leat riekteveahkit, sii dábálaččat ovdanbuktet gažaldagaid oavealbmáid beales. Dábálaččat ságastallamat báddejuvvojit.

Vihtanis ja áššeomasteaddjis lea duohtavuodas bissungeatnegasvuhta. Dat dárkkuha, ahte sii galget mitalit buot maid sii dihtet ja muitet dáhpáhusas. Áššáskuhhton olbmos ii leat dát geatnegasvuhta, dasgo giige ii dárbbas vihtanuššat iežas vuostá.

Loahppasáhkavuorut

Áššáiosolaččat sáhttet bargat loahppačoahkkáigeasu ovdanbukton duođastusas ja mitalit iežaset evttohusa ášši čoavdimis. Dábálaččat vejolaš riekteveahkit dikšot loahppasáhkavuoruid oassebeliid beales.

Duopmu

Riektečoahkkima loahpas riektesále gurrujuvvo ja rievtti lahtut báhcet mearridit vejolaš sivalašvuodas ja čuovvumušain.

Duomu sáhttá almmuhit dalán riektegeavvama loahpas dahje dan oažžu maŋŋá nu daddjon kansliijaduopmun, man áigemearis almmuhuvvo riektečoahkkima loahpas. Dalle duomu sáhttá viežžat kansliijas dahje dat doaimmahuvvo veahkkái. Muhtin duopmostuoluin dan sáhttá oažžut bivddedettiin reivviin ruoktot dahje šleatgapoasttain.

Duomu oktavuodas gearretreikti almmuha nuppástusohcanrávvagiid dahjege man láchai galgá doaimmat, juos oassebealit háliidit váidalit čovdosis hoavvariektái.

Juos leat duhtameahtun dupmii, das galgá almmuhit 7 jándora siste duomu addinbeavvis dahjege maŋimustá čuovvovaš vahku vástideaddji vahkubeaivve virgeáigge. Dus lea 30 jándora áigi doaimmahit vejolaš váidalusa.

Hoavvarievtti mearrádusas váidaleapmi alimus riekttái eaktuda váidalanlobi oažžuma alimus rievttis.